



Q

2

gra
me
sta
lab
etc
nit
pe
pr
tal
Co
te
ta
gra
ti
po
co
m
S
P
c

Dabolski Stanislaw

COPIA EPISTOLÆ

Quam scripsit Excellentissimus Episcopus
Cuiaviensis, Excellmo Domino Le-
gato Galliarum.

Illustrissime & Excellentissime Patrone.

33. 960. III



Volens submissionem meam unâ & alterâ Excelæ Suæ testari vice, ab ipsâ residentiæ illius portâ redire debui, absentem publicisq; curis à statione suâ evocatum reperiens. Quare in leuamen frustrati desiderij mei, obsequijq; præsentibus, ingentissimis enim, repentinisqué casibus, jam Varsaviâ avocor, ultimum vale Exclæ Suæ mitto, illud unicum flagrantissimè postulans, ut quem dignata est Sua Exca ante omnia merita mea, humanissimâ prosequi benevolentia, eundem constanti foveat gratia; quam mereri omni obsequiorum conatu al laborabo. Et quoniam Exca Sua eo me fiduciæ obstrinxit pacto, ut quæ sentirē circa futuræ Electionis progressū, ea pro ingenito candore meo liberè explicem; audeo igitur Excam Suam per boni publici commoda studiosissimè obligare, quatenus à promotione Principis de Conti resilire velit, quem etsi, eximia talenta bellorumquæ vocales triumphi, supparem Regiæ faciant Coronæ, metus tamen Nominis huius per Regnatrices Majestates, ex rationibus Statûs Nostri, in animis Civium pridem excitatus, & modò conservatus, remotiorem videtur à Throno Regni facere: neque enim vellem Seruji Galliarum Regis promotionem, in aliquid venire discrimen, sicut & Excæ Vestræ, impensas laboris periclitari, quæ si optatum sortientur effectum, liebit mihi gratulari, sin minus, vix possem tantorum conatum motibus, condigne compati; quoniam non temerarium Excæ Suæ exprimam sensûs mei judicium etiam ex multis depromptum. Si quid ultrò singularitatis communicandum mihi Exca Sua habuerit, pari ac mecum, cum Theologo meo domestico fiduciâ agere potest &c. manens

Illustrimæ Excæ Vestræ

Devotissimus Servitor
Epus Vladus.

Responsum Excellentissimi L E G A T I. *Illusterrime & Excellentissime Patrone.*

SVmmo cum animi mei dolore, intellexi suam Excā ad
ne venire dignatam semel & bis, quo tempore valedictio-
nes huc & illuc deferendæ, domi me sedere non permitte-
bant: nec minus etiam hoc me affixit, quod Excæ Suæ cona-
tus iterum obsequia mea præstare, tamen idoneum admittendo
mihi tempus non sit inventum. Etenim humanissimis Excæ
Vræ literis ore proprio satisfacere volebam, & quidquid priori
nostro colloquio defuerat, uberiore sermone aliquantulum supple-
re. Verùm ubi publica Sermi sui Candidati negotia, tantopere
distrahunt Excā Vestram, ut difficilè possit alijs aures atten-
tas præbere, ideo scribendum satiùs duxi, ut non modò benignis-
simis ejusdem characteribus, sed etiam consilijs, ut par est, re-
spondeam. Et quandoquidem minimè dubito, quin eadē me,
meaque omnia benignitate prosequi semper velit, quam mihi &
verbis & scripto tam eximiè testata est; ego cum maximâ vene-
ratione, & vi confidentiæ illius, quam in me reperit & approba-
vit, intimos mentis meæ sensus aperiam Excæ Vestræ.

Rem arduam sanè, ac supra vires meas longè positam, Ex-
citia Sua mihi præcipit, dum invitat, ut à promotione Serenissimi
Principis de Conti resiliam; ego enim hīc non propriæ volunta-
tis interpres aut dominus, sed Christianissimi Regis Minister
quid aliud facere possum, quām quod jubeor? præterea, cum nihil
mihi possit esse antiquius, quām Sermæ Reip: meam infinitam
propensionem, & studiosissimam promptitudinem ostendere;
quo pacto liceret mihi hanc unicam occasionem prætermittere?
in quā servitiū illi certè majus, quam quilibet è proprijs Civi-
bus præstare possum, promovendo in Regem futurum, tales
Principem, quem ipsà fatente Excellentia Vestra, fatentibusqué
omnibus cuiuscunque Gentis, aut factionis hominibus, *eximia*
talenta, bellorumquæ vocales triumphi supparem Regiæ faciunt Coronæ:
Quid enim in hac proxima Electione quærunt Poloni? Nonne
Regem Maximum, Regem Optimum, Regem bellicosum, sapi-
entem, magnanimum, liberalem, modestum, affabilem; qui *tot*
eximij talentis Remp: ad pristinum opulentia, splendoris, & fa-
mæ statum reducat, *bellorumquæ vocalibus triumphis,* (ut proprijs
Excæ Suæ verbis utar) hostes Patriæ debellet, æmulos terreat,

&

& vicinos in æternâ societatis atque amicitiæ necessitate continet; qui regat populum suum exemplo potius, quam authoritate; qui sit in bello primus bellator, in consilio primus consiliarius, ubique norma cæterorum; quem nemo Polonus aut oderit, aut contemnat; qui sceptrum sibi nec lege, nec consuetudine, sed amore & estimatione delatum dignè ferre studeat, & quibus acquisierit virtutibus, ijsdem servare necesse habeat; qui, si à rectâ viâ recederet, & liberrimæ Genti vellet aliquam jugi, aut servitutis speciem imponere, non habeat à vicinis Principibus auxilium, nec invenire possit asylum præsens in aulis sibi sanguine conjunctis; qui denique in primo Regiminis sui ingressu, qualem reperit Remp: talem adiuvet, non personâ tantum, sed opibus. Namque duobus eget Resp: Domine Mi Excme; Viro, & subsidio: Viro qualem modo descripsi; subsidio, quod reale sit ac præsens: consideremus itaque Stattim Poloniæ, Exercitum confœderatum, stipendia militi ad summam enormem debita, bellum quatuordecim annorum sine fructu gestum, nec finitum, immo tanto periculosius excandescens, quanto majores addit imperio suo vires novus Imperator Turcarum, exhaustas Provincias, Comitia perpetuò rupta, factiones, & divisiones domesticas, tantum ex illa parte grassantes, quæ non publicum, sed privatum commodum quærunt, & serias atque urgentes Nobilitatis Universæ querimonias eludit. Ergo nihil ad ista reflectendum? ergo confuetudini serviendum? ergo personarum acceptioni, non utilitati publicæ studendum? absit.

Cur enim sibi Polonia jus eligendi Regis tam strenuè vindicavit, tam fortiter, & intactè scravavit? nisi ut eum creare posset, quem rebus suis opportunum atque accommodatum judicaret: si Corona ista foret Hæreditaria, gernerent fortasse populi eam tali jure deberi minus dignis & utilibus, quam dignioribus, & utilioribus dari posse exoptarent. Ecce res in integro est: potest dari cuilibet, non ergo dignus est reiciendus, ut adulatoriè præferatur alter; quod quidem bonâ veniâ Candidatorum omnium dixerim, quos fugillare, nec meis moribus convenit, nec Regis mei voluntas est. Illud unicum probare volui Excæ Vestræ, merita tantum spectanda esse, & commoda Reip: cætera planè speri oportere.

Quod verò Exca Sua mihi amantissimè scribit: *Nolle se promotionem Regis Chrni in aliquid venire discrimen, ac metum esse Nominis Gallici, per Regnatrixes Majestates, ex rationibus Status huiusc in animis Civium pridem excitatum, & modò conservatum; unde remotior, Gallus Princeps Candidatus, aliundè meritissimus, à Throno*

Regni fieret; hoc diligenter, & maturè considerandum venit.
Videtur enim metus iste, veris fundamentis carens, inter vul-
gares errores annumerandus; ille autē de totâ Rep: non benè sen-
tiret, qui putaret eam vacuis hujusmodi phantasmatis, & impres-
sionibus duci, non solidis & evidentibus argumentis, in tam
grandi negotio, ubi de spe, & salute Civium agitur: & vereor,
nè qui metum illum excitatum supponunt, excitare potius velint
aut sopitum, aut nullum. Dicat enim mihi Sua Exca, quæ tam
acri, tamquè prudenti pollet judicio, Mulierem fortem quis in-
veniet? de viro forti nunc agimus; & quæ comparatio potest
institui bona, viri cum muliere? si per Reginam Mariam aliquid
peccatum est, unde Cives illam regnare nolent, vel per se, vel
per Filios; nuncquid Sermus Princeps de Conti filius ejus est?
at sunt ex eādem Gente Gallicâ, nuncquid omnes in Galliâ sunt
ejusdem indolis & complexionis? an omnes Poloni similes? Rex
Michaél, Rex Ioannes, sub eodem coelo nati, toto cœlo di-
spares fuere: cur ergo confundemus eos, Bone Deus! quos na-
talia, educatio, sexus ipse tantoperè discriminant, & si quæ simi-
litudo timenda, nonnè potius in proprio sanguine, quam in ali-
eno? velletnè Excia Sua datis in publicum motivis uti contra
nos, quæ Sermo suo Candidato nocerent magis? & partes illas,
quas ipse tam studiosè, tam apertè tuetur, unici huius argumenti
retorsione subvertere?

Videamus autem quibus impulsa Consilijs Serra Regina,
tantam in se, suosque excitaverit invidiam? an Gallicis? an Au-
striacis? quemnam audivit? aut cui placere voluit? cùm ituros in
Hungariam milites dissipavit; cùm Poloniam solemini Confæde-
ratione voluit alligari Germaniæ sine ullis restrictionibus; cùm
Gallicum Legatum de Vitry ejecit; cùm Sermum Principem Ia-
cobum, Sermæ Palatinæ Neoburgensi conjunxit: suntne isti Gal-
licæ, an Austriacæ factionis partus? attamen Galla fuit Regina:
sed quid amplius in Rem Austriacam Germana facere potuisset?

Nolebamus nos tam arctis, tamquè inextricabilibus vinculis Ré-
pub: vicinæ, semperque (ut ajunt Illustri Zamoyscius & Fredro)
metuendæ potentiaz, non modo addictam, sed quasi mancipa-
tam fieri: vicit nos Galla Regina, sed quid inde boni acciderit
Reip: testes miseri Cives, quorum imminuta substantia, quorum
devastati fines, quorum Nomen in aulâ Cæsareâ, etiam post
ipsam liberationem Viennæ, ac totius Germaniæ ab imminenti
servitute redemptionem, tantum vilipenditur, quantum apud
nos in honore, & veneratione est.

Sciebamus, nec obliviscimur quid Majores vestri, per quos
stetit

stetit libertas, de vicinis illis dixerint, & posteris suis tradiderint; eorū vestigijs insistebamus, & nunc insistimus: neque illum in Poloniā regnare cupimus, qui vel sit Austriacus, vel Austriacæ domini tam specialiter addictus, ut illi suā Coronā, dignitatē, autoritatē omnē referat acceptā; ne tandem de Poloniā fiat, quod factū est de Bohemiā & Hungariā. Sunt autē illa tantæ, tamque cōpertæ veritatis, ut etiā apud Polonos in cōmune adagiū trāsierint;

Dicit Ex. Vesta, sed neq; volet Imperator, ut hīc regnet Gallus, ergo par utrobiq; ratio. Nequaquam, imò valdè dispar. Etenim est hoc axioma notum omnibus, Cæsarem esse proximum, ergo timendū, Christianiss. verò remotū, ergo prodesse posse, noce-re nunquam; qui timendus & suspectæ est ambitionis, non audiendus, qui non timendus, semper consulendus est. Non videbit Ex. Sua bellum inter longinquos, sed inter finitos; Poloni cum Gallis, Italos, Hispanis, Persis non decertarunt, sed cum Germanis, Hungaris, Svecis, Turcis, Tartaris, & Moschis; amplius dico: non debet Serma Resp: considerare, quid isti vel alteri displiceat, sed quid sibi bonum. Si Germanus talis offeretur, qualem Galli offerunt, ijsdem præsentibus auxilijs, belloq; infructuoso subvenientem, non consulite Galliam, accipite illum vobis, dummodò periculosus ille non sit, nec Germanicis viribus uti possit ad op-primendam Patriæ libertatem. Si Gallus omni virtute prædi-us, & dives, cum summâ utilitate vobis proponitur, accipite illum inconsultâ Germaniâ; non enim illa vult res suas ad vestram voluntatem dirigere, nec vestras ab illâ pendere necesse est.

Quid ergo dicet Cæsar? dicet Polonus Hungaros & Bohemis esse sapientiores; dicet eandem à vobis in eligendo Rege vestro ad-habitam prudentiam, quam ipse adhibet in feligendis Magistratis suis; dicet illum in Poloniâ factum Regem, qui florentissimæ huic Reip: Provincias avulsas, & antiqua decora unus restituere valet; de quo vos tantò magis lœtari debebitis, quantò minus ipse lœtabitur. Sed arma in Poloniâ inferet, si Galli Regis fiet Electio? quæ arma? illanè quibus Hungariam, Rheni littora, stationes in Italiâ tueri vix potest, nec verè tuetur, & si per huiusmodi minas incutitur timor Reip: jam ubi est libera Electio? igitur à vicinis erit petendus Rex, non eligendus, & quo fine ducti Germani nollent hic regnare præstantissimū Principē, nonne ut Reip: vires magis ac magis corruat, & ipsa tandem fiat Aquilæ bicipitispræda:

Non ille metus invaserat Majorum Vestrorum animos, cùm Henricum Gallum, Ernesto Austriaco prætulerunt; eadem erat, tunc temporis, vicinitas quæ nunc est, eadem utriusq; Domus æmulatio, ijsdem minis, & futilibus motivis Ernesti defen-

sores utebantur, quibus hodie videmus non dari, sed affectari creditum: quid profuit? eò magis in suo proposito persistit constans Resp: quò vehementius illam dimovere tentabant, & si per inopinatā Christianiss. Fratris sui mortē, Henricus, culpā quidem fatis magnā sed excusabili tamen in hæreditatē suā bellis Civilibus quassatam, vix non deperditam se nimis properè, tacitèque recepit, certè quanto fuerit amore dignus, vel ipsæ prosequentiū Polonorum lacrymæ testatæ sunt, quos illum non elegisse, sed amisisse pœnituit. Nihil tale à nostro Principe metuendum, qui cùm Henrico, nec splendore generis à sæculis octo regnantis, quod unum & idem est, nec virtutum famâ cedat, habet hoc singulare, quòd in successionis ordine sit decimus Princeps è Regio sanguine Galliarum.

De Reginâ Ludovicâ non loquor, fuit enim illa quamvis in Galliâ nata, non tamen ex nostrâ Gente oriunda, sed ut omnes sciunt, ex Familiâ Gonzagâ Ducum Mantuanorum, quæ Itala est. Pios ejus cineres ne commoveamus, multa benè gescit, multa fortasse minus, quidni placebit bona nobis attribuere, cætera sexui. Porro jam monui quæstionem esse de Viro non de Muliere, melior est iniquitas viri, quam mulier benè faciens, inquit S. Scriptura. Et quamvis uxorem habeat Sermus Princeps de Conti ex eodem Regio sanguine, Parentibusq; Sermo Princepe Angui-anensi, & Sermâ Rheni Palatinâ Electorali Principissâ, natam; nihil tamen de ipsâ metuendum, cùm illa sit notæ apud omnes mansuetudinis, & ita Marito subdita, ut nullâ in Regno partē sit acceptura, præter eā quæ Reginis verè competit, nempe ut cætus aulicos præsentia suâ & magnificentia decorari curet. Non enim alio ex fonte derivat illud Muliebre Imperium, quo non Polonia modò, sed multa Regna plerumque jactantur, nisi ex otio Principum. Sit ergo Rex strenuus & sedulus, amans gloriæ suæ, negotijsque attentus, jam Reginæ non imperabunt. Unde accedit ut in ipsâ Galliâ ubi olim exteræ Reginæ rixas moverant in minorenitate Regum, ipsæ postea nec auditæ fuerint, statim atque Deus concessit nobis Regem verè magnum.

Vltimum est quod diluam scilicet Ex. V. dicit: *Esto sicut Rex & Regina omni exceptione Majores, at statim atque Gallus ad solium Polonicum evectus fuerit, quamvis in eum nihil moliretur Cæsar, attamen ille in Cæsare molietur bellum, & Remp: ad pericula nova deducet, ut placeat Regi Christianissimo.* Respondeo I. Non placitum nobis Regem novum Poloniæ, qui Poloniæ, seipsum, & gloriam suam, tam apertè contra statûs rationes præcipitaret, præsertim ubi jam pervenimus ad limen universalis pacis in Europâ Christianâ concludendæ, quam Deus fortasse dabit ante Electio-

nem. 2. Si quid contrarium hâc super re timeretur, facillimè per Pacta Conventa novi Regis præcaveri posset, ut ipse juramento se obligaret, non tantùm ad observationem in genere omnium Tractatum, fæderum, & Pactorum antea initorum inter Prædecessores Reges & Remp: ac alios quoslibet Principes, sed etiam in specie illorum, quæ nuper contra Tyrannum Orientis sancta sunt: nonne hoc remedio sanabitur subitò metus?

At, inquit Exc. Vesta, *Pacta Conventa* fortè non observabit. Iterum respondeo, si hoc timetur, de quo Candidato justius, an de illo qui nullas in viciniâ copias aut affinitates habet; an de illo qui habet: an de illo qui viderit Coronam è familiâ minùs obser-vatrice promissorum delapsam, talique semper exemplo terribi-tur; an de illo qui hanc nihilominus à Patre collegerit. Ista dire-ctè contra Sermum Suum Candidatum militant, cur obijciuntur nobis? Deinde, Possunt executione debitâ Pacta Conventa defrau-dari, (si Rex erit ita sui ipsius immemor) in ijs, quæ à solâ eius vo-luntate pendent, ut sunt largitiones munerum, Officiorum &c. Sed in ijs quæ nunquā ille facere, nec tentare potest sine consensu Reip: quomodo potest fidem frangere? jam hoc certum est & indubitatum, quod bella sine unani-mi nobilium suffragio in Co-mitijs congregatorum non possunt declarari: Rex itaque novus si vellet aliqua suscipere, deberet proponere Reip. Dicat mihi Exc. Vra, quâ fronte proponeret ille palam id, cuius contrari-um jurasset, & quid tunc facilius quam propositionem, si fieret, rei-cere? Quidquid ergo hîc timetur, chymæra est. Quod verò dicitur illum munera & beneficia Reip: solis Nobilibus debita concessurum exteris, alia chymæra est, hoc enim & lege vetitum, & in praxim redigi nequit à quocunque Regnante.

Opponet profectò mihi, quod à multis partium suarum au-dio, rationes hasce meas apud sapientiores quidem valituras, non autem apud multitudinem Nobilium, qui cæco, ut illi dicunt, im-petu, solisque anticipatis opinionibus ducti, non attendent ad tot, & tantas rationes statûs, & Regem suum sine ullâ considera-tione pronuntiabunt, id enim procul dubio intellexit Exc. Vra, quando Principem Nostrum Borbonum, confessâ dignissimum, attamen propter hoc de nomine Gallico vulgare phantasma cer-tocertiùs ruiturum declaravit. At verò non sum ego in hâc sen-tentiâ, pluris æstimo Polonos omnes Nobiles, sive qui divitijs & muneribus cumulati Vrbem frequentant, sive qui resident domi, et si enim non sit inter eos fortunæ, at certè nobilitatis & magna-nimitatis est æqualitas. Omnes ad libertatem, & consilia Reip: nati, probè norunt, quid expediat, quid non: in ijs spem omnem

nostram collocamus, ijs tantum placere volumus. Alij partem Reip: ad se viis nescio quibus alicere præsumunt, nos totam Rēp: ritè congregatam expectamus, alijs Regnum affectant, ut regnent, nos, ut benè sit Regno; alijs confæderant exercitum, nos confæderationi illi volumus satisfacere; alijs Provincias à corpore Reip: conantur avellere, ut ab exteris in ambitu suo protegantur, nos amissas recuperare, & fines Reip: promovere.

Cūm igitur audient illa centena millia Nobilium in equis, eos priuatis factionibus excludi velle, qui soli possunt utiles esse Reip: pro tali tantoque Candidato qualis est noster, afferri tot milliones florenorum, non in promissis, sed inpræsenti numeratâque pecuniâ ad satisfactionem exercitui debitam, expugnationem Cameneci proprijs sumptibus ante Coronationem datis obsidibus, & sub nullitate Electionis, restauracionem monetæ, rei frumentariæ commerciique Gedanensis, quæ omnia nostris in manibus sunt, nec quivis alius efficere potest: præterea nullam pro futurâ Reginâ reformationem, ne panis benè merentium aliò distrahatur, & alia benè multa, quæ suo tempore manifestabimus; credat mihi Exc. Vra, tunc melius sibi consulturos Nobiles, quām ut anicularum fabulis adhæreant, umbram pro corpore arripiant, & ambitum privatorum publicæ utilitati, tamque certis & evidenteribus emolumentis anteponant. Persuasio illa non libellis, non laboribus, non vigilijs, non industriâ, non eloquentiâ, non tetriculamentis perficietur, sed re ipsâ, & veritate.

Ex ijs omnibus videt Exc. Sua, non adeò me causæ meæ diffidere, quæ totius Reip: est, quām Exc. Sua existimat, vel ad diffidendum invitat. In cæteris omnibus obedientiam meam probare poterit, in hoc neque Rex meus, neque Serma Republica finunt obtemperare me mandatis Exc. Vræ, quæ cùm sit arbitra sui ipsius, & proprij sensûs Domina, potest à proposito suo facilius, quām ego à meo resilire. Nec tamen hoc exigo, nisi inquantum Reip: commoda videntur exigere. De cætero, maximâ cum veneratione maneo.

Illissimæ Excellentiæ Vestræ
Devotissimus Servitor.

MELCHIOR DE POLIGNAC
Christianissimi Regis Leg: Extraordinarius

Imprimatur suæfornia hæc Scriptio decora & Civilissima Genti Polone.
STANISLAVS Episcopus mpr.

Varsavia die 16. Octob. Anno 1696.



n.
o:
t,
e-
o:
os.
m
in
es.
ri
ati
n,
o-
o-
us
st
oc-
uo
ibi
nt,
ca
ut.
in-
re
ess
ad
am
pu-
fit
ito
go,
ro,
pi
do
res
or.
at
rins
ed
e,
q*et*

